

ORDENANZA FISCAL Nº 9 REGULADORA DA TASA POR RECOLLIDA DE LIXO.

Art. 1º. Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local e de conformidade co disposto nos artigos 15 a 19 do RD Lexislativo 2/2004, de 5 de marzo, polo que se aproba o Texto Refundido da Lei reguladora das Facendas Locais, este concello establece a "Taxa por recollida de lixo", que se rexerá pola presente ordenanza fiscal, e as súas normas atenden o previsto no artigo 57 do citado RD Lex. 2/2004.

Art. 2º. Feito imponible.

1. Constitúe o feito imponible da taxa a prestación do servizo de recepción obrigatoria da recollida de lixos domiciliarios e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos.

2. A tal efecto, considéranse lixos domiciliarios e residuos sólidos urbanos, os restos e desperdicios de alimentación ou detritos procedentes da limpeza normal de locais ou vivendas, e exclúense de tal concepto os residuos de tipo industrial, escombros de obras, detritos humanos, materias e materiais contaminados, corrosivos, perigosos ou aqueles os que a súa recollida ou vertido esixa a adopción de especiais medidas hixiénicas, profilácticas ou de seguridade.

3. Non está suxeita a taxa a prestación, de carácter voluntario e a instancia de parte, dos seguintes servizos:

a) Recollida de lixo e residuos non cualificados de domiciliarios e urbanos de industrias, hospitais e laboratorios.

b) Recollida de escorias e cinzas de calefaccións centrais.

c) Recollida de escombros de obras.

Artigo 3º. Suxeitos pasivos.

1. Son suxeitos pasivos contribuíntes as persoas físicas ou xurídicas e as entidades as que se refire o artigo 33 da Lei Xeral Tributaria, que ocupen ou utilicen as vivendas e locais situados nos lugares, prazas, rúas ou vías públicas en que se preste o servizo, xa sexa a título de propietario ou de usufrutuário, habitacionista, arrendatario ou, incluso, de precario.

2. Terá a consideración de suxeito pasivo substituto do contribuínte o propietario das vivendas e locais, que poderá repercutir, no seu caso, as cotas satisfeitas sobre os usuarios daquelas, beneficiarios do servizo.

Artigo 4º. Responsables.

1. Responderán solidariamente das obrigas tributarias do suxeito pasivo as persoas físicas ou xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en

xeral, nos supostos e co alcance que sinala o artigo 49 da Lei Xeral Tributaria.

Artigo 5º. Exencións.

Gozarán de exención subxectiva da obriga de contribuír aqueles suxeitos pasivos que acrediten estar nunha situación de extrema pobreza ou indixencia nos termos en que se determinen regulamentariamente, e previo informe preceptivo dos Servizos Sociais do Concello.

Ademais, poderán gozar de exención do pago deste tributo aqueles suxeitos pasivos cuido domicilio ou residencia habitual estea a unha distancia superior a 200 metros respecto ó punto de recollida de lixo determinado polo concello. Se ben esta exención terá carácter rogado, debendo ser solicitada por parte do suxeito pasivo interesado.

Artigo 6º. Cota tributaria.

(incremento IPC Xeral dende xaneiro do 2012 ata Xullo do 2013: 3,4%)

1.- A cota tributaria consistirá nunha cantidade fixa por unidade de local, que se determinará en función da natureza e destino dos inmobles.

2.- A tal efecto, aplicarase a seguinte tarefa:

- 1) Por cada vivenda76,54 €/ano.
- 2) Hoteis, restaurantes e hospedaxes ou fondas de categoría A)489,94 €/ano.
Hoteis, restaurantes e hospedaxes ou fondas de categoría B).....408,22 €/ano.
- 3) Bares, cafeterías e establecementos similares de categoría A).....408,22 €/ano.
Bares, cafetería e establecementos similares de categoría B).....199,15 €/ano.
- 4) Locais industriais, almacéns ao por maior, supermercados, autoservizos, talleres mecánicos e similares 408,22€/ano.
- 5) Bancos e caixas de aforro408,22€/ano.
- 6) Locais comerciais e de servizos, pequenos talleres, oficinas, perruquerías e similares.....199,15€/ano.
- 7) Pequenos locais artesanais e similares.....59,83€/ano.

3. As cotas sinaladas na tarefa teñen carácter irreducible e corresponden a doce

Artigo 7º. Devengo.

1. Devéngase a taxa e nace a obriga de contribuír dende o momento en que se inicia a prestación do servizo, entendéndose iniciada, dada a natureza de recepción obrigatoria do mesmo, cando estea establecido e en funcionamento o servizo municipal de recollida de lixos domiciliarios, nas rúas ou lugares onde figuren as vivendas ou locais utilizados polos contribuíntes suxeitos a taxa.

2. Establecido e en funcionamento o referido servizo, as cotas devengarase

o primeiro día de cada ano natural, salvo que o devengo da taxa producírase con posterioridade a citada data, e neste caso a primeira cota devengarase o primeiro día do mes seguinte.

Artigo 8º. Declaración e ingreso.

1. Dentro dos trinta días hábiles seguintes a data en que se devengue por primeira vez a taxa, os suxeitos pasivos formalizarán a súa inscrición na matrícula, presentando ó efecto a correspondente declaración de alta e ingresando simultaneamente a cota do primeiro bimestre.

2. Cando se coñeza xa de oficio ou por comunicación dos interesados calquera variación dos datos figurados na matrícula, levaranse a cabo nesta as modificacións correspondentes, que surtirán efectos a partir do período de cobranza seguinte o da data en que se efectuara a declaración.

3. O cobro das cotas efectuarase bimestralmente mediante recibo derivado da matrícula.

Artigo 9º. Infraccións e sancións.

En todo o relativo a cualificación de infraccións tributarias, así como das sancións que ás mesmas correspondan en cada caso, estarase o disposto nos artigos 77 e seguintes da Lei Xeral Tributaria.

DISPOSICION DEROGATORIA.

Queda derogada a anterior ordenanza nº 9 reguladora da taxa de recollida de lixo

DISPOSICIÓN FINAL.

A presente ordenanza foi modificada en Pleno de 26 de setembro do 2013, entrará en vigor e producirá efectos a partir da data da súa publicación definitiva no BOP de Lugo nº 280, 7 de decembro do 2013, permanecendo en vigor ata que se aprobe a súa modificación ou derogación expresa.